

2024

MAOLA

(Modern Indian Language)

Full Marks : 100

Pass Marks : 33

Time : Three hours

*The figures in the right margin indicates full marks for the questions.*

*Ano kowo hi A, B, C, D, E tto omu pongo bue.*

*Ano kowo khru marks hi izhopo lopu hekhi pihithoe.*

OMU (Section – A)

Mocholeshe Kophroleshe (Prose)

1. **Ano kowo khru hi olapo 50-60 leino kola rühio.**
  - i. Opfo ye ona no ozhi katei phevano odzū da motu kolosū rühio. 4
  - ii. NNC ye Assam Governor Akbar Hydari no ae oh tto kophro du kowo sū rühio. 4
2. **Ano kowo khru hi olapo 30-40 leino kola rühio.**
  - i. Khetsūra so timo koru duno adei solo tiwe? 3
  - ii. Ikhru Kholio hi thekoe? Khalaro lei tho lowo pfoyi shilei kowo sū adei vanoe? 3
  - iii. Nelozū no bamito no toleipfo pe kowo sū adei tiwe? 3

P.T.O.

**3. Ano kowo hi dzübo tto kola rühio:**

- i. Pinocchio yi mashüto tikomosü thekoe? Adei deitto petie? 2
- ii. Mopfo 1948 pfozü khrokha 27 ni mikrjü lei kopfü kopfo kodocho sü adeimei-mei "Ae" ti motie? 2
- iii. Nolumei no khetsüra soba ti kowo hi adei vanoe? 2
- iv. Asoto (Peace Treaty) oni le Ikhrü Kholio no ta komo sü adeivanoe? 2

**Omu (Section – B)**

**CHASHILA (Poetry)**

4. Opfü no ona yihi chüzho ko leshüe ticho kashio no adeito pewe? 4
5. "Leikovo" koe tili "propa" niyi ru lole. Hihi theno pewe? Kashio no pe kowo sü adeivanoe? 4
6. Okhro no so makrücho komo lathe sü rüpihio. 3
7. Tathotie ticho chashila Kashio le amocho sü rühio. 3
8. "Bave bue" Hihi adei tiwe? 2
9. Adeivano Kashio no okhro yi mangei lohroe tiwe? 2
10. "Nino mozhu ne lomo kobu". Hihi adei koe ye adei vano pewe? 2

**Omu ( Section – C)**

**KOPHRO (Reading)**

11. Akhruei pikowo oko hi phrolowo ano kowo khruhi kola rühio.

Mao Academy kopfü kopfomei hruleino modonamei yi duno ole konoso larübvü lei oko korü Meipfona Kaisü Lohrü hi mopfo 1929 Khranü khrokha

padei nino Robvemei inu leino monoe. Pfo hi nolu kocho leino kotsü pfüpfomei khu oro kozü ona kalie. Robvemei LP School leino modolo chuwo Public School Mao Gate leino obvü IX pass kolo hi mopfu 1953 ko hinoe. Meipfona Lohrü no 1954 no larülei modo kapi ovo nelo achari he Shünafümei LP larüchü leinoe. Mopfu 1955 hi no pfono Kaikho Besa yi monoloe. Ye 1957 no obvü X pass soloe. Mopfu 1958 kohino Robvemei M.E larüchü lei opikocho soloe. Ye 1961 no 1964 kotu hi Pfosemi U.J.B larüchü lei opikocho sohie. Mopfu 1964 no 1966 kotu hi Imphal leino B.T.C pass lowo mopfu 4 he Pfosemi U.J.B School leino opikocho sopuhie. Hithihi 1979 no 1997 kotu D.E.O Senapati vohü leino A.I of school vo hi sopfo 1997 Rolei hino ovo leino asotie. Hitoko Meipfona Lohrü no Mao Academy omu leino Maola vano olekono so Advisor sopfo mopfu 2021 march 11 ni hino ojiipe motu tatie.

**Anokowo hi kola rühio.**

- |  |   |
|--|---|
| (a) Mopfu: 1929 khranü padei nino mono kolo sü thekoe?         | 1 |
| (b) Larüchü lei modo kapi ovo ne kolo sü rühio.                | 1 |
| (c) Meipfona Lohrü no obvü X pass sokolo sü adei mopfo ko noe? | 1 |
| (d) Imphal leino BTC modo kocho mopfu sü rühio.                | 1 |
| (e) Meipfona Lohrü no A.I vo kopfühi mopfu chüzhoe?            | 1 |
| (f) Modonamei yi duno Lohrü no adei sei sopie?                 | 1 |
| (g) Meipfona Lohrü thi kottu mopfu sü rü hio.                  | 1 |

**12. "AMODO CHÜTHU" hi phrolowo kola rühio.**

Maomei pfope (fore fathers) hi oso oru koso hepeino oke ozho kazhü phocho, ongho pawo chühkri chürü kazhü leino hrülo kani mochopfo ojüpfoki vano inu sopfo hrü cho meihrii (tribe) kalie. Maomei no Mikrülei no Dimapur kotu

leino inu sopfo hrü kowohi inu 45 bue tiwe. Chüphe kopro ye meiphro kopro inu hi chacha choku ko bue.

Deni Maomei pfope no oru kozüo kalei chü woli Mikrümei yi okhro pichomoe. Siiduno nolu mei no tsüsü pho kolo thi woli mei khrulei bumo alia hra ozhoso hrü kani va hino mopfu 1948 Rolei 27 ni hino Mikrümei yi chüphe khro pilemoe tto kobvüo are lotie. Hivalhino Mikrü chüjü lei rusomei ye kokhamei no ole kono mei kosü (3) yi shuthawotie. Kopfü kopfomei 4 yi shithilo ye omei pajü no izhulo tie.

Hibvüo Maomei yi duno ozhi mokrüo amazhi kade kolo va hino mei moso no Rolei khrokha 27 ni hino "AMODO CHÜTHU"tto izhode kotue mopfu kapra tsü hi rüwe.

**Anokowo hi kola rühio.**

- |   |   |
|---|---|
| (a) Maomei pfope no jüpfoki va no hrü kowo hi adei vanoe? | 1 |
| (b) Izhode Maomei hi inu chüzho ko bue tiwe?              | 1 |
| (c) Chüphe ye meiphro kopro inu chüzho ko bue.            | 1 |
| (d) Alia hra ozho so kani vano kobvü kolo sü chüdunoe?    | 1 |
| (e) Ole kono mei chüzho ko shuthawo tie?                  | 1 |
| (f) Maomei no rü kowo chüthu zhu sü rühio.                | 1 |

**13. Oko hi phrolowo kola rüpihio.**

Mopfu 1960 ko Belu khro no Manipur North Naga Baptist Association (MNNBA) no Baibel hi Maola lei khi rüloe. Maola Baibel kosü lei I Mikrü Lohrü no motsiüso ovo sopie. Mikrü Lohrü yi hi MNNBA no Baibel translator moso leto kodo lowo Baibel sü rüpraloe. Baibel lei ola hi omeihrü (Tribe) pajü

nopu sü kotu ola kotie. Maomei hrülei larü kosümei kamei kono oleno shupfo Mao Academy omu hi 1976 kohino asoloe. Baibel hilei ola hino Maomei moso la sole tto 4-3-1977 ni hino ochü sowotie.

Hibvüo obvü kali no chüro kaheio kotu hi modonamei no phropfo moshu shuno sümei meipra kowo mei mosola kotie. Obvü 12 hieh Council of Higher Secondary Education Manipur no ae-oh tikapi vano 2017-18 hino phropfo pass loe.

Izhode Mao Academy leino olenopfo achüthi sokowo hi P Sani Shüpfokrü ye Rev. Fr. Dr. L Nepuni Korükrü hikoe.

**Anokowo hi machiso kola rühio.**

- |   |   |
|---|---|
| (a) Maola Baibel hi ade mopfu kono rüphraloe?           | 1 |
| (b) Mikrü Lohrü hi adei kosomei koe?                    | 1 |
| (c) Mopfu 1976 ko hino themei no adeita so tholoe?      | 1 |
| (d) Moso La vano ochü sokolo mopfu ye khrokha sü rühio. | 1 |
| (e) Maola sümei mei pra kolo sü themeikoe?              | 1 |
| (f) COHSEM hi adei tiwe? Rüpho phrahio.                 | 1 |
| (g) Mao Academy lei achüthimei zhu khrusü rühio.        | 1 |

**Omu (Section – D )**

**KORÜ (Writing)**

14. **JÜPHE** sopu kapra (Global Warming) vano korü (Essay) kali rühio.

(Phekotho — Izhode kohrü — chükhu pfole korü (Deforestation) — adei vano pratie — lopu kohe lei kashü pralo kashü — khu nulo koru lijü — okhei koso. 8

15. Ni nitamei larüchü lei Games & Sport secy koe tto mocholo, sübvüo nitamei larüchü lei kokru (annual sports week) koru duno mosü kocho larü (NOTICE) kali rühio. Nizhu sü XYZ tto rülo. 6
16. Mikrü chüjü lei ( Manipur) lei korü ( vehicle) lova zhü komo vano lova so mazhü pio tto mapechü kali Minister PWD hekhi rühio. 6

**Omu (Section – E)**

**OLALU (Grammar)**

**17. Ola machikomo rümozhühio.**

- (a) Pfo hi iduno thire. 1
- (b) Ocha chüleishe 1
- (c) Losü no kofo pfolowo ota tawe. 1

**18. Zhuko kodo phrahio.**

- (a) Govinda no Kazol yi sao tokhu phe pratatie. 1
- (b) Kosa no ozhe kali tsüloe. ( kosopfü kodo phrahio) 1

**19. Kheni , khelo koda phrahio.**

- (a) Opikocho \_\_\_\_\_ 1
- (b) Tukrü \_\_\_\_\_ 1
- (c) Voni \_\_\_\_\_ 1
- (d) Movumei pfo \_\_\_\_\_ 1

20. Olapo khru hi ola krú krúo olako kahei hel rúphralio.

(a) Mani \_\_\_\_\_ 1

(b) Chüni \_\_\_\_\_ 1

21. Movumei no so chünoe ticho kahei rúhio. 2

22. Lathe rúpihio.

(a) Oruzhe no ochü zhe yi holei kowo so. 1

(a) Solei vano socho ada kocho so. 1